


VOLAPÜK
XALÖPO
XEUÏK



Ponapük

Flonol Revünetik Volapüka

Ralph Midgley
24 Stanwell Rise
SCUNTHORPE
North Lincolnshire
DN17 1TF

Serkülapenäd hi Volapükaf lens Voläpo

| | | |
|--------------------|-------------------|-------------------------|
| YELOD DEGID | | |
| NÜM 12 | DEKUL 2000 | (Pads 89-Jü 100) |

O Volapükaf lens Löfik !

Dekul dagik ekömon nogna. Yelod nog bal gaseda obsik efinikon. ab yelod nulik votik suno oprimon. Spelob vemo. das ojuitols ninädi ota. Vilob danön flenis at. kels eyufoms obi dü yel pasetik. Binob ai danöfikün demü yuf somik. nen kel pükakaliet no ubinon so gudik. Danis ladöfik oles ! E reidanis obsik. kels elebonedons gasedi so fiediko. e kels spelabo olebonedons oni dönu. i danob ladöfiküno. bi nen reidans. no ubinon gased ! Danis e Glidis oles valöpo !!

I dekul binon mul in kel zelobs Kritidazäli. Alikan obas köfobs zäli at. kolkömobs flenis e röletanis. kelis ba no elogobs sis tim lunik. ye veütiküno benokömaglidobs cili godik. kela leköm äcenon voli obsik. In län obik kanitoi Kritidakaniü jönik dö zifil Betlehem. kö hicil at pämotom. Ekö noats kanita kobü liänem balid. Liänems votik kanoy turvön su pad züldegkil. Kanitobsös kobo tü Kritidazäl !



1. O zif smailik di Ea-tie-hem mu sti-lo se-at-ol!



Lo-ve siip di-bik, nen-dri-mik, stels mufons be-i ol.



A-b da süta da-gik ol-ik ni-don le-lit la-i-düp-ik:



Spels e dreds ye-las nen fin, ek-ö kolköm sü-pik!

Valikosi Gudikün oles sedom

Ralph

LÄRNOD FOLDEGVELID
DIL BALID : SANAN, TUTISANAN E PÖTEK

If tuts olik dolons, mutol golön ad konsälidön tutisanani. Tutisanan oplomom ud otirom (ud: osetirom) tutis u cüगतutis ma stad in kel binons.

Valemo if senol misauni, mutol konsälidön sanani. Kanol golön lü om dü spikotamadüp omik, ab if labolöv fifi mödik, kanolöv koedön kömön omi lü dom olik, teiko dubä latoenol omi len telefonaparat. Sanan odunom ole säkis anik dö utos, kelosi senol, odalogom linegi olik, odoatom pebi olik ed ovestigom oli löliko. Ven ulonülom diagnodi, obüdülom ole lekäli ed ogivom ole rezäpi.

Pos atos ogolol lü pötek ed obegol pötekane ad mökön medini, keli sanan ebüdülom. Büä lüvol pöteki, mutol betikön, va neodol dinis votik sevädik, bi us tuvoy valikosi. Kanol remön laspirini, nugveti, bismutinakiemotis, yodinakiemotis, kinini, puinis e vitaminis. Zuo kanoy remön neodotis aldelik äsä tutapesti, sobi, kefis, jeifancifis e jeifomis e kosmetamedis ti valikis.



DIL TELID : KONSÄL

Deli gudik ! o söl : <Mauricio>! . . . Lio stadol-li demü malädüls olik?

Stadob aiplu badikumo. Jinos lü ob, das labob malädis valik datikovik: nenslip, kapadol, bākadol, midicet, stuen e stomāgadol. Badikünos binon, das ekoldätikob, gug obik dolon e kögob e snidob [= binob kögöl e snidöl] laiduliko. Enu ätifalob su pärunaveg e pö fal evidob joti detik oba, ed emiyoinob futi obik. Ven golob tumödo, fenikob sunādo. Brefo, labob seni, das binob plu deadik, ka lifik.

Pidob osi vemo, o flen! ab spelob, das val at binon - la magäl rafinik. Logobsös, kisi vestig dajonon! Lineg . . . Natemolös dibiko, begö! Lucgs binons gudiks. Lad jäfidon gudiko. Logobsös pebi! . . . Bosilo vifiko . . . Utos, kelos defon pö ol, o söl : <Mauricio>! binon, das neodol takädi. No mutol vobön so mödiko. Ogivob ole rezäpi at e konsälöb ole, das fölol diäti at. Sumolös medinis at nenropiko, takadolös dü düps nemu kils aldelo, fidolös saidiko, pato härbatis e flukis, ab miti nemödik. Vitolös liköri, ed if mögos - la pö ol, nedunolös smöki dü muls tel u kils. If dunol atosi valik, garanob ole, das ünü vigs kil u fols, ostadol gudiko ä sauniko.

PLIN SMALIK (XIV)

FA ANTOINE DE SAINT-EXUPÉRY

Planet lulid äbinon vemo bisarik. Äbinon smalikün valikas. Us ädabinon te spad saidik ad pladön sùtalantäri e lantärifilidani. Plin smalik no äplöpom ad plänön oke diseini lantära e lantärifilidana, seimo in sil, su planet nen dom, ni pöp. Ye äsagom oke it :

"Ba man at binom tatikälik. Ye binom läs tatikälik ka reg, ka lupleidan, ka büsidan e ka ludrinan. Nemuiko vob oma labon sinifi. Ven filidom lantäri okik, binos äsif motomöv steli pluik bal, u flori. Ven kvänom lantäri oka, atos slipükon flori u steli. Binos jäf vemo plitülik. Binos vero frutik, bi binos plitülik."

Ven ärivom planeti, äglidom lestümiko filidani :

"Deli gudik ! Kikodo änu ekvänol - li lampäri olik ?"

"Binos бүд," ägespikom filidan. "Deli gudik !"

"Bүд, kis binos - li ?"

"Binos ad kvänön lantäri obik. Soari gudik !" Ed ägefilidom oni.

"Ab kikodo änu edönufilidol - li oni ?"

"Binos бүд," ägespikom filidan.

"No suemob osi," äsagom plin smalik.

"Dabinon nos ad suemön," äsagom filidan. "Bүд binon бүд. Deli gudik !"

Ed äkvänom lantäri okik.

Poso äkluinom flomi oka me pokasärvätül labü kvadüls redik.

"Dunob is cali jeikik. Bүo äbinos tikälik. Äkvänob gödo ed äfilidob soaro. Ilabob reti dela ad takädön, e reti neita ad slipön."

XII:92:2000

"E sis tim et, бүд еценон - ли ?"

"Бүд no еценон," әсagom filidan. "Kuratiko ekö dramat. Da yels planet etulon ai vifikumo, e бүд no еценон."

"Kludo - ли ?" әсagom plin smalik.

"Kludo anu dunon tuli a minut. No plu labob igo sekuni bal takāda. Filidob e kvānob balna a minut !"

"Atos binon muadik ! Dels lä ol dulons te minut bal !"

"Atos leno binon muadik," әсagom filidan. "Ya mul bal epasetikon sisä esikobs ode."

"Mul bal - ли ?"

"Si ! Minuts kildeg. Dels kildeg ! Soari gudik."

Ed äfilidom lantāri.

Plin smalik ālogedom omi ed āplidom filidani at, kel ābinon so fiedik tefü бүд. Ämemom solamodonikamis, kelis om it būo āgolom ad sukön, tirādōlo stuli okik. Ävilom yufön fleni okik :

"Sevol - ли ? . . . sevol modi ad takedön ai ven ovilol dunön osi . . . "

"Ai vilob dunön osi," әсagom filidan.

Bi kanoy binön, otūpo, i fiedik i trögik.

Plin smalik äfövom :

"Planet olik binon so smalik, das zūol oni me steps kil. Te omutol stepön saido nevifiko ad kanön blibön ai dis sol. Ven ovilol takedön, ostepol . . e del odulon so luniko āsā ovilol osi."

"Atos no fōdon obi mōdo," әсagom filidan. "Utos, kelosi plidob in lif

XII:93:2000

binon slipön."

"Atos no binon gönik," äsagom plin smalik.

"Atos no binon gönik," äsagom filidan. "Deli gudik !"

Ed äkvänom lantäri okik.

"Etan," äsagom oke plin smalik, du äfövom fagikumo tävi oka, "etan penestümomöv fa alikans votik - fa reg, fa lupleidan, fa ludrinan, fa büsidan. Ye binom balikan, kel no jinom binön smilöfik. Ba binos, bi jäfikom me din votik ka ok it."

Ädunom seifi pida ed äsagom oke nogna :

"Etan binom balikan, keli ekanoböv beflenikön. Ab planet oma binon mödo tu smalik. No dabinon spad saidik pro tel . . ."

Utos, kelosi plin smalik no äriskom ad koefön, äbinon das äpidom planeti benedik at, patiküno kodü solamodonikams mil foltumfoldeg a düps teldegfol !

KRITIDAKANIT

O zif smalik di Be-tle-hem, mu stilo seatol !
Love slip dibik, nen-dri-mik, stels muf-ons bei ol.
A-b da süts dagik ol-ik ni-don lelit laidüplik:
Spels e dreds yel-as ne-n fin - ekö kol-köm süpik !

O gödastels vokäd-olsöd kobo motedi godik,
E Godi regik lob-olsöd, püdi menefe valik;
B-i Kristus pemoton ela María, e löpo lekolköm
Silananefa ga-lädon du mens slipons da leköm.

Seiliko, seilik-üno, Legivot pagivon,
E God gevom lad-es m-enik süla benedi - Leson!
L-il nonik li-lon le-kömi süpik - in sinavol te kom
Mükölanas, ma-nes so-mik Kristus y-a nükömom.

TÄVAVENTÜR IN LAPÄN (VII)

FA KARL MAY

No ädälob osi ome ed äbüdob ad givön obe luklöfi hitüpaklota bældik. Äluimükob ati ed ätänädob oni su svel. Bi ävilob dönu luimükön sveli pos tim brefik, no äseitob dönu fladili ini tävasäk, ab älumufob oni näi ob ini sigayeb seadöpa obik, dat äkanob - la nefikulo e vifikumo sumön oni.

"Ätye, lio ekömol ini slitod?"

Nête yunik nu äsäkom, kel äyufon nuläli valikanas me säk at.

Bäldan äseilom du timil, täno ägespikom : "No säkolsöd obi. Latikumo olilols osi!"

Ämutobs lobedön büdi at, do no äkanob suemön, kikodo ärefudom nüni pedabegöl, keli fümiko imeritobs me savam oma. Om it ädesirom nu ad sevön, lio berayag pifinon e dinäd kinik ivokon obis ad yufön omi. Älilom nunodi obsik e ven pinunom, das ninäms bera ai nog äbinons in vat hitik cafa, äbüdom, das sumoy elis nipè (= neifs) e das primoy sunädo lefidi benosmekik.

Mot *Snyära* äsumof ninämis se caf ed äseitof onis ini küirajeled okik, kela nid nesmufik äkoedon rätön utosi, kelos ya in ot de-se-pekluiuos - la. Us päseakötöns - e jafäbs manik, vomiks e dogiks älabons nu däli ad sumön atosi, kelosi ävilons.

Tefü ob, ob älabob läbi ad padünön fa *Marya* jönik. Äbinof daut bældikün ela *Pent*, älabof lifayelis ba teldegkil ed äjinof efärmükön obi ini lad okik ya vemo fleniko du dels degfol steba obik in ludom oka. Äbinof te saidiko gretik, das äkanof golön dis lams oba; älabof paunis tel pina in herem e kvadapuidis kildeg picinaleüla su cigs okik; lips ofa äsmililons vidü zimmets degtel; nudil äsümon lü vaälanötöl e logils ofa kodü nifanid laidik ikösömüköns okis ad logedilön äs mugil, logedilam

XII:95:2000

kelik ämekon in lad negaledik oba magädi, kel no äkanon pakalön me logarits.

Äseatirülof dilis gudikün, kelis äkanof savön pro ob se tuts dogas ed ästeigof onis me tara-rosada-doatils bigik oka ini mud obik, kel nensekiko oki 'äzänädon pödio'. Pals plido älülogons cogedi lotidiälük at, e te äkanob skeapön lelufülükami konfidik at ad golön du tim brefik foi dom ad dönu reigön noganis dicetäma obik.



KRITID NEGLÖMOVIK

Äbinon vig bü Kritid. Els Hektor e Katerin älogedons redagugüli, kel äseadon su kiud, e kel äkaniton se lad fulik. Böd jönik at äbinon äs tof bluda fo pödaglun nifa levietik.

"Binob so fredik," äsagof jiel Katerin. "Kanob töbo stebedön vigafini."

"Ab vigafin okömon büä osevol osi," egespikom hiel Hektor. "Dels ya flitons."

Ezibradom ofi ed älogom löfiko ini logs ofik, kels änidons fredo.

Els Hektor e Katerin äbinons matans nulik. Pro ons tim at äbinon äs drim. Ab no äkanoy sagön otosi demü blod hiela Hektor e sör jiela Katerin. Id ons imatikons bü yels za tels, ed älabons nu soni yunik nemü Con. Bü muls kil, mot oma imotof dauti, kel ideadof pos brefüp. Mot äbinof ditretikün ed anu äbinof in diläd patik malädanöpa, kiöp fat ävisitom ofi aldeliko. Id om äbinom kofudik, no te kodü mimoted, ab kodü hiel Conül, kel no ujuitom Kritidazäli bevü famülans ün yel at. Sekü atos, isäkom blodü yunikum oka, va el Conül ökanom lifädön Kritidazäli lä om. Rajan äbinon, das Hektor ökölkömom Conüli in nibudastajon ün zädel tü düp kilid poszedela.

Fino zädel ekömon, e tü düp tel e lafik, ekö Hektor in tood okik, kel älükömom lü stajon. Ünü minuts deg nibud äpubon. Bal pos votik tävans estepons se nibud, pläämü Conül. Kö binom - li? Hektor no äsevom kisi dunön. Äbespikom joföri, kel ilesiom, das nibud at äbinon lätikün dela. Hektor favik ätelefonom eli Katerin :

XII:96:2000

"O lõfäb obik, el Con no ekõmom in nibud !"

"Kõmolõs lomio, Conül binom is ko fat oma !"

Hektor tõbo äbinom po stiraluib, ven elilom eki ta vitür tooda nokõli. Ätülom sunädo kapi okik, ed ekõ man lifayelas zao kildegas, kel äsmilulom lü om koteniko.

Hektor ämaifükom vitüri.

"Glidis, o Hektor ! Lio stadol - li ? Logõn oli pos yels so mödiks binon blesir gretik. Eglõmol - li obi ?"

Hektor älelogom logedi omik dü tim anik.

"No binol - li et Cakül, kel äbinom flen cilüpa obik ?"

"Si ! Ed esludob ad visitõn flenis anik is dü Kritidazäl."

"O läb kion !" evokädom Hektor. "Kõmolõs lä ob büä ogetävol lomio. Jimatan obik obinof fredik ad sevädükõn oli. Ekõ ladet e telefonanüm obiks. Mutobs dönüõn flenõfi obsik !"

Nu Hektor äspidom lomio, kõ Katerin, blod omik - e Conül ästebedons omi.

Jinos, das blod evisitom, äsä äkõsõmom, jimatani oka, ed eflagof omi, das äblibom lunikumo ko of, bi äbinof so däsperik. Sekü atos, blod ela Hektor inerivom nibudi. Seko ivabükom soni om it, ab no ilükõmom lü dom põtatimo. Ab ämutom lomiotävõn sunädo, e ko drems in logs, Conül eleditom omi.

Dels sökõl no äbinons fasiliiks pro Hektor e Katerin. Conül äbinom dreniälik kodü mot malädik, ab pianiko esevedikom lõfi e käläli, kelis ästürons Hektor e Katerin bundano sui om.

Äpledons kobo in nif mödo; Hektor imekom slifõmi ad plidõn Conüli, e tü Kritisadoar ägolons lü glüg ad komõn in Kritisamäsäd zencitik.

Pädan äbinom flen gudik elas Hektor e Katerin, ed äkolkömom onis in glügavestibül.

XII:97:2000

Soari gudik !" eglidom onis, " e kim binom - li, pädanan nulik oba ?

"Nem oma binon Conül," egespikof Katerin.

"E kisi vilol - li getön pro Kritid, o Conül ?"

Pul smalik älogedom pädani ko drens in logs.

"Vilob te din bal," esagom. "Vilob, das motül oba osanof suno."

Pädan äpladom nami sui jot pula yunik.

"Ün soar saludik at," egespikom, "olofob mäsädi atasoarik pro motül olik; God binom miserik, ed obenedom ofi."

Pos mäsäd ägegolons lomio in nif bei nifaman, keli büo Hektor e Conül idunoms fo dom.

Büä egolons lü bed, Hektor e Katerin egivons ele Conül jokoladis, bukilis tel e tren smalik ko vabs kil.

"Kritidazäli läbik ole," esagons kobo.

"Danis, danis mödikün ole," evokädom, pestigedölo.

Ün vig sököl, eliloy nokami ta yan doma. Conül emaufukom yäni, e no äkanom kredön logis: us ästanons pals omik.

"O motül ! o fatül !" evokädom ai dönu.

Pos smils e drens e koled gudik, Conül eleditom elis Hektor e Katerin.

Naedü at, ekö Katerin, kel ädrenof boso.

"Dels ya eflitons," esagof, "neai oglömob omi, kel eläbükom obis so mödo!" Conül ekidom ofi. "Onemob oli Kritidamotüli obik." E lü Hektor : "Ol obinol i Kritidafatül obik."

Hektor ezibradom eli Katerin, ekidom ofi ed egespikon :

XII:98:2000

"Ba suno olabobs cili lõnik. Kim sevom - li osi ?"

Ab nokami nulik eliloy ta yan doma, kel eropon vōdis oma.

Emaifukom yani. Hiel Cak āstanom us.

"Glidis," esagom, "spelob, das no ekōmob ün tim nepōtik."

"Benokōmo !" eglidom omi Hektor. "Ga ekōmol ün tim pōtikün !"



DATIKOLÖD !!

Jiel *Babül* āsākof jifleni oka böladöli, eli *Liren*, kiüp ābinon motedadel ofik. Pos timül, el *Liren* āgespikof : "Edelo ālabob lifayelis zül ed ün yet okömöl olabob lifayelis degtel."

Kanol - li yufōn jieli *Babül* ad tuvedōn sökōlosi :

- a) Dät kinik ābinon - li, ven jiel *Babül* āsākof jieli *Liren* ?
- ä) Kin binon dät motedadela jiela *Liren* - li ?
- b) Lifayelis liomōdotik labof jiel *Liren* - li ?



If jiel *Lean* binof sör hiela *Pulion*,
ed if jiel *Karion* binof sör hiela *Rupert* ;
if jiel *Julid* binof sör hiela *Klarenod*,
ed if jiel *Doris* binof sör hiela *Esaud* ;
kif binof sör hiela *Louis* - li ?
Binof u jiel *Maud*, u jiel *Liren*, u jiel *Klarad*, u jiel *Lear* - jikel - li ?



Ün vedel alik e begü publūganef maifukoy potabüri at. Us kanoy dalogōn no te būkotis ed elis 'collage' nulikün ela Zerem E/E *, ab i potodis se vol lölik, igo magodanunodi se el "Volapükistan."

XII:100:2000

Bükamedöm jäfedas at - pakobosumöl as 'Pospotim' - binon "Vigagased" - pübot binädöl me bled bal, kel padunon lölöfiko me nam. Pospotabled at pubon semikna e nunon publüganefe tefü proged dunikama: me vestigs dö pödagluns 'Pospotima', me datuvülam späkanafas, me nunods dö literat tö el 'Kap Hoorn' e me keblünots dö spikotadins votik, kels binons saidiko volaveütiks ad paseidön me plumb.

Segivots in püks tsyegik e yapänik papreparons.

Anu vestigs Vigagaseda padedietons blibe spoda, kel kobo ätanon potöpadeseitis in St. Gallen e Dawson City: Desin fikulik, kel luveratiko te kanon padamütön sekaliegiko me dunamod di 'Pospotim'. Siämü at, dabin jenavik pösodas Michael Schobinger, Anna Holli e Lorenz Ruschtiner binon nos ab nilud redakanefa.

Martin Amstutz (Pospotöpal)

* El Zerem E/E davedon se ninagrup lekananas nemü Zerem, kel äkolkömon in lödöp ela Obere Hofstatt, Klosterviertel, St. Gallen; sevabo in dom, kiöp famül stimabik Schobinger älödon. Tonats E/E sinifons : Editions/Emissions.

